



Naleraq

05.10.2022

UKA2022/112

Hans Enoksen, Naleraq

Inatsisartut inatsisaat siusinaartumik pensionisiaqartitsisarneq pillugu Inatsisartut inatsisaata allangortinneqarnera pillugu.

(Isumaginninnermut, Suliffeqarnermut Nunamullu Namminermut Naalakkersuisoq)

Siullermeerneqarnera:

Kinaluunnit innuttaasoq nunami maani inoqataasoq inooqqataasullu sapinngisamik pitsaasumik atugaqarnissaat pingaartumik inuit ikiorneqarnissaminnik pisariaqartitsisut ikiorneqarnissaat inuiaqatigiinni pisussaaffigaarput naammassiniassallugu. Aaqqitassaqarpallu naleqqussaanicukut inunnt pineqartunut aaqqiivigissallugit.

Uani inatsissami allangortinneqartussami inuit pineqartut ataatsimut ukiut tamaasa amerliartorlutik kisitsisit kingulliit 2020-meersut malillugit 2407-nik amerlassuseqarput tassunalu takuneqarsinnaapnaapput inuppassuit pineqartut.

Siusinaartumik pensionisiaqarsinnaatitaaneq innuttaasup kialuunniit pisinnaatitaaffigaa sulisinnaasutsikkut pisinnaasani killeqalerpata, imaluunniit nappaateqalersimalluni periarfissaammat tamannalu pisariaqalersimappat kommunimut sukkulluunniit qinnutigineqarsinnaammat.

Tungaviatigut isumaqatigaarput aningaasat saniatigut isertinneqartartut qaammammut tigusarta-gaannut akornutaanngitsumik ukiumut saniatigut isertissinnaasaasa qaffaaffigineqarnissaat tassalu 28.000.00 kruuniniit 38.000.00 kruuninut isumaqatigaarput.

Maani tamatta arajutsisimannilarput siusinaartumik pensione-qaruit, imaluunniit utoqqalinersi-uteqaruit, pisinnaatitaaffiit killilersorneqartarput. Tassalu aapparisaq isertitai tungavialugit aaqqissuussisoqartarluni, tamannalu inunnt pineqartunut sulisinnaanermikkut killeqalersimasunut oqitsuinnaaneq ajorput, tamannalu sukumiisumik eqqarsaatigineqartariaqartutut tikkuarusupparput.



Naleraq

Taamatut aqqissuussineq inunnut pineqartunut aapparisaq isertitai aallaavigalugit aqqissuussisarnerit tunngavigineqartarput. Tamannalu inunnut pineqartunut oqitsuinnaaneq ajorpoq. Tassami inuiaqatigiinni kiffartuussereerlutik inuttut naleqassuseq peerneqartutut ittarpoq, tassalu ilaatigut ajukkuttut misigisimalertarput allaat aapparminnut tuniitsiiginnartutut imminnut isigilertarlutik. Tamannalu inunnut taamatut eqqorneqarsimasunut artornartumik kinguneqartarpoq, taamatummi naalaqartut ersarissumik misigisimallutik ilaatigut pilersueqataasinnaaneq ajornertik oqaatigisarmasuk.

Taamaatumik kissaatigaarput aapparisaq isertitai tunngavigalugit inunnut pineqartunut eqquisarneq allangortittariaqaripput, tassanilu aningaasanut tigusartakkanut inunnut pineqartunut millisaataasannangitsut ataatsimiititaliami eqqartugassanut ilanngutissasoq kissaatigaarput.

Siusinaartumik pensioneqaruit imaluunniit utoqqalinersiuteqaruit inuiaqatigiinni ikiuutereerlutit kiffaanngissutsimik arsaarneqartutut misigititsisarnerput aqqittariaqarpoq aappassarisap isertitai pillaatitut atorunnaartariaqarigut Naleqqamiit oqaatigerusupparput.

Tassami inuup naleqassusia aapparisaq isertitai aallaavigalugit ajukkuttunngortitsisarnerput unittariaqarmat.

Ataatsimiititaliamut suliaassannngortipparput.



Naleraq